

هل اي كلمة مش حقيقية بيقولها ابني كذب؟ مش يمكن يكون بيتخيل مثلا؟ ممكن جدا طبعاً مش أي حاجة ابني يقولها مغايرة للواقع أو صمه بالكذب لأن دي وصمة ماينفعش تتقال في مرحلة الطفولة المبكرة الطفل في المرحلة دي بيكون خياله خصب جداً وحتى لما العمر اللغوي بتاعه بيكون مناسب لسنة مش كل حاجة يقدر يعبر عنها بالكلام مثلاً الأم حامل وتعبانة ع وطول الوقت بتتوجع ومش قادرة تهتم بالطفل فمممكن جداً الاقي الطفل بيدعي المرض وهو مش مريض بيدعي انه كسر حاجة أو عمل حاجة غلط أو ان فيه خطر بيواجهه كمحاولة منه للفت الانتباه ح يكون عامل ازاي؟ لازم الأمهات تحفظ قاعدة بتقول إن سلوك ابني رد فعل على سلوكي الأسرة المكونة من أب وأم هي البيئة الأولى اللي بيكتسب منها ه الطفل أي سلوك لفظي أو غير لفظي فلازم ناخذ بالناس كويس جداً من تصرفاتنا مانكذبش في التليفون ونقول عكس الحقيقة قدام ولادنا نحاسب نفسنا الأول هل علمناهم الصدق كنا صادقين قدامهم